

آبونه سرائطی

ممالك عثمانیه ده سنه لکی (۶۵) آلتی ،
یلغی (۳۵) غروشدر
ممالك اجنبیه ده سنه لکی (۱۷) ، آلتی
آیلغی (۹) فرانقذر .

اداره خانه

باب عالی جاده سنده دائره مخصوصه

اخطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ابدله یں یازیلر اعاده
اولونماز .

الکتاب

۱۳۳۰

دینی ، فلسفی ، علمی ، ادبی هفته لقی مجموعه اسلامیه در .

صاحب و مدیر مسئول

اشرف ادیب

باش محرر

محمد خاکف

والله یهدی من یشاء الی صراط مستقیم

اتبعون اهدکم سبیل الرشاد

عدد ۳۲۲

۲۷ صفر ۱۳۳۳

پنجشنبه

۱ کانون ثانی ۱۳۳۰

جلد ۱۳

اخطارات

رساله مزدن آلتدیغی کویستریک شرطیله
یتون یازیلر هر هانکی برغنه طرفندن
اقتباس اولونه بیلیر .

§

مکتوبلرک ، امضالری واضح و اوقوناقلی
اولمسی و آبونه صره نومروسنی محتوی
بولومسی لازمدر .

§

ممالك اجنبیه ایچون آبونه اولانلرک
آدرس لرینک فرانسزجه ده یازلمسی رجا
اولنور .

§

یاره کوندرلدیکی زمان نه یه دائر اولدیغنک
واضحاً بیلدیلمسی رجا اولنور .

مطبوعات

اتحاد اسلام

«دو تافظی سیاسیة محذور صایان بواسلام دستوری، بوکون حرب و صلح سیاستمک اسالاسی اولوب جیقهشدر. بوکون هیمز خنجره لیمزك قوتی یتدیکی قدر مسلمانلرک اتحادینی باغیرییورز. دون ایله بوکون آره سنده نه عظیم تحول، عادتاً بر انقلاب!

بو اتحادی اعلان و تأمین ایتک ایچون بک جوق باغیرمی، بک چوق چالیشوب چابالامی وظیفه مزدر. یعنی بو زن اسلام امتی. بونی هر شک و تردید فوقنده اوله رق عمیق بر ایمان و اعتقاد ایله بویه بیلیورز. ذاتاً آرتق باشقه درلو دوشونمکه ذره قدر احتمال قالمشی در؟

اسلامک اتحادی، مسلمانلرک اساسلی و بلکه یکنه استناد کاهیدر. برلشک ای مسلمانلر، دینکیزک و اولافکیزک ازی و ابدی دشمنلرینه قارشى برلشک قارشى قویک، اولره اللهک برلکسند برلشن کندى برلککیزله هجوم ایدک. آنجاق بویه بابیه ییلدیکنز تقدیرده درکه نصرت سزک، نجات و اعتلا سز کدر. و کوزلیمزدن سوینج باشلری آقیدنی خالده کورو یورز که سز بو حقیقتلری هپ آکلامشکنز. طرف طرف برلک باراقلری آلتند طویلانه رق موسوفلره، انکیزلره و فرانیزلره، مسلمانلرک بو ازی و ابدی دشمنلرینه قارشى صالدریمغه باشلامش بولونیورسکوز، بویه جه آرش ایلری.. فوز و فلاح سز کدر!..

حکک کلامی اولان مقدس کتابمز بزه بو اک علوی حقیقی چوقدن سويله مش ایدی. فقط ناصل بیلیم یورز، غالباً زمانک ادراک و وجدانی تغلیط ایدن ضلالت نما تاثیرلری ایله بز او حقیقتلری دیلیزله سويلسه کده وجدانمزله حس و احاطه ایدیمکدن اوزاق قالیر اولمش ایدک. بزم شو ضلالت ویریشانیزه دشمنلیمزک تضییق و افنا سیاستلری ده انضمام ایدره ک ازیلیمکه ازیلش، طاعیلیمکه طاعیلیمش ایدک. بینه زمان ایله اوموزلیمزه بین بو فلاکت بوکونلرک آغیرلای آلتند اسلامک. آه او بک اهل ایتدیکنز. علوی اساسلرینی دها شفاف و نورانی بر منظره حالنده کوروب آکلاغه باشلامش ایدک. فقط فلاکت کیتدی که بلیمزی بوکن مزاید ثقللرک آلتند اونورانی منظره لره دوغری قالمیق و قاووشمق نه قدر کوج اولمش ایدی.

عزیز و ذو انتقام اولان افه هیچ اولاز ظن اولونان شیلره وجود امکانی بخش و احسان بو یوردی. اوکزه کندی میز قورناره جی بر شهره آچیلدی: ایشته بوشهره هر مسلمانک جهاد ایچون، توشه جفی، وارینی بوغبی فدا ایتک عزیمله وارلغی تخلیص و اعلا ایله یه جکی سبیل الهی در. او بو یوک بولک غازیلری اسلامک حیثیت و عزتند کندی ناموس و وقارلرینی بوکستمش مردلدر. شهیدلری ایسه حق تعالی و تقدس حضرتلرینک الهی توصیفی وجهه، اولو دکل، دیریدرلر، ابدی دیریلکله مبشر سعادت صاحبیلدر.

شبهه یوق، خلیفه مز حضرتلرینک امر و اشارتلری ایله شومستنا فرستدن استفاده یه شتابان اولان ملیونلرجه مسلمانلر، بی دربی حق تعالی و تقدس حضرتلرینک امر بو یوردینی جهاد یولنده اتحاد ایدره ک اسلامک سلامت و اعتلا سنی تأمین ایله یه جکلدر. شبهه یوق، کیتدیکنز بولک سرنزلی اسلامک اتحادندن و اتحادی ایله اعتلا سندن عبارتدر. شو جهاد و اتحاد، کورو له جکدر که انسانیت حالنده یکی و بو یوک بر انقلاب احداث ایله یه جکلدر. بویه عالی دینرک آرتنه قالمش معجزه لرندن بری صایلسه بجا اولمازمی؟

کیتدیکنز یول اسلامک اتحادی ایسه، بو اتحادک الی نهایت امتدادینی کافل اوله جی سبیلری شیمیدن و بریادن احضار ایتکده دور اندیشلک وظیفه سیدر، بیک اوج یوز بو قدر سنه دنبری بعض مسلمان قوملر، حتی بعض

قوملرک مختلف زمره لری آره سنده لفظی نزاعلر اوزرینه تأسفلره شایان افتراقلر تحدث ایله مش ایدی. شیمیدی شو بو یوک اتحاد ایشنه کریشیلش ایکن ذاتاً بک محدود اولان اوزاعلری منصف و حقیقی عالمک بر آره یه طویلانه سیله کونکندن کسوب آتهرق اوله جه اعلان ایله مکده یارینک و او بر کونک اعتلا لری سبیلرینی تزید و تشید ایله یه جک ایشلردندر.

اسلامک الیوم براوچندن باشلایان خروشان اتحاد سبیلی یوقاریکی تدبیرلره ده تنظیم قیلنجه قریباً کره ارض اوزرند ایلک فیاض نشه لری ایله جلوه کر موحد و متحد بر اسلام عالمی احترام موقعی طوته جقدر. بز امیزکه بو علوی نتیجه هر حال و کارده تحق ایدم جکدر. اونک ایچوندر که تکرار باغیرییورز:

— یاشسون اسلامک اتحادی!

یونس نادى

سبیل الرشاد

تصفیر افکار رفیقمزک باش محوری یونس نادى بک ۱۳۱۴ نومرولو نسخده اتحاد اسلام سیاستی حقدنه بویه مهم بر باش مقاله نشر ایدیورلر. ذاتاً تصفیر افکار رفیقمزک شمارى بو سیاست اسلامیه در. کرک تنظیم ایلیمک (یعنی بلا قید و شرط اوروپا ییلاشمه مک)، کرک قومیت پولتیقه سنک ملتک روخنه او یفون کلدیکی، عکس العملدن، نشئت و افتراقدن، ضرردن باشقه هیچ بر نتیجه تولید ایتدیکی بو محترم رفیقمزک نظر ندده تظاهرا تمشدر. بو مقاله دقتله مطالعه بو یورولورسه درین بر قناعت سیاسیه مک محصول حقیقی اولدینی تمایله کورولور. بو حقایق بالخاصه اوج طرز سیاست محرر محترمک نظر عالی مدققانه لرینه عرضه شایاند!

آغاوغلی احمد بک، موحد معصوم بک، یونس نادى بک کبی مملکتک بللی باشلی محورین سیاسیه سی طرفندن بو دستور سیاستک «حرب و صلح» سیاستی اوله رق ترویج بو یورلمسی مطبوعات یومیه مزده بو یوک بر انقلاب در. بر زمانلر یومی غزته لر مزده اسلام کله سنه بیه تصادف اولونما یوردی. لدی الحاجه بحی حالنده صیقيله صیقيله سويله نیوردی. لکن بوکون سیاسی محورلر کوکسلرینی کره کره، همده کمال صفوت قلب ایله مسلمانلقدن، اتحاد اسلامدن، سیاست اسلامیه دن بحث ایتیه باشلادیلر؛ که بونلر هپ ملتی نمون و امید وار ایدم جک بشارتلردر. هانی مسلمانلق علیهنده هر کون بیغین بیغین نشر یاتده بولونان، اسلامک قلبنه هر کون زهرلی ایکنلر سوقان محررلر؟ بوکون هپسنک سسلری قیصلدی. هیچ برینک چاکلی اوتمه یور. و امین اولمالیدر که یارین بوتون بوتون طیقانوب ایدیا سونه جکلدر.

ایشته بر طرفدن اردولرمز الله یولنی تعقیب ایدرکن آرقه سنده کی ملتده شهره هدایتی طوتمش، سسسز، صداسز، قاوغاسز، کورولتوسز فلاحه، بو یوک بر سعاده طوغو و یور و مکده در. بو، نه بو یوک بر فضل الهی در. «یا ایها الذین امنوا من یرتد منکم عن دینه فسوف یأتی الله بقوم یحبهم و یحبونه اذله علی المؤمنین اعززه علی الکافرین یجاهدون فی سبیل الله ولا یخافون لومة لائم ذلك فضل الله یؤتیه من یشاء...»